

33 Staðfesting forsetans á skipulagsskrá fyrir „Styrktarsjóð Gunnars Thorbergssonar Oddson“, útgefin á venjulegan hátt að mandatum af dómsmálaráðherra 15. febr. 1946.

Skipulagsskráin er þannig:

SKIPULAGSSKRÁ

fyrir Styrktarsjóð Gunnars Thorbergssonar Oddson.

1. gr.

Sjóðurinn heitir Styrktarsjóður Gunnars Thorbergssonar Oddson.

2. gr.

Sjóðurinn er stofnaður með eftirlátnum eignum Gunnars Thorbergssonar Oddson samkvæmt fyrirráðum í erfðaskrá hans og er samtals að fjárhæð kr. 8916.45.

3. gr.

Höfuðstól sjóðsins má aldrei skerða. Til ársloka 1948 skulu allir vextir lagðir við höfuðstól, en eftir þann tíma $\frac{1}{3}$ hluti vaxtanna, nema sérstakar ástæður séu fyrir hendi, sbr. 4. gr.

4. gr.

Eftir árslok 1948 má verja $\frac{2}{3}$ hlutum ársvaxtanna til styrktar börnum og ekkjum sjóðrúkknaðra manna búsettum í Seyðisfirði og Loðmundarfirði. Þegar um meiri háttar sjóslys er að ræða, má úthluta öllum ársvöxtum sjóðsins samkvæmt framanrituðu.

5. gr.

Stjórn sjóðsins skal skipuð þrem mönnum, einum kosnum af bæjarstjórn Seyðisfjarðarkaupstaðar, einum kosnum af hreppsnefnd Seyðisfjarðarhrepps og einum kosnum af hreppsnefnd Loðmundarfjarðarhrepps. Stjórnin skal þannig kosin til eins árs í senn. Á sama hátt skal kjósa 3 varastjórnendur. Stjórnin skiptir sjálf með sér verkum.

6. gr.

Stjórn sjóðsins skal hafa með höndum fjárgæzlu sjóðsins og styrkveitingar úr honum og semur reikning hans.

Reikingsár sjóðsins er almanaksárið. Ársreikning sjóðsins skal bæjarstjórn endurskoða, úrskurða og birta.

7. gr.

Sjóðurinn skal geymast og ávaxtast í ríkisskuldabréfum og bankavaxtabréfum, sem ríkisábyrgð er fyrir, eftir því sem við verður komið, en að öðru leyti í spari-sjóði.

8. gr.

Á skipulagsskrá þessari skal beiðast staðfestingar forseta.

Seyðisfirði, 5. janúar 1945.

Hjálmar Vilhjálmsson.

Sig. Vilhjálmsson.

Erlendur Björnsson.